

12 OCT, 2020

PKPD di dua kawasan Lahad Datu

Sinar Harian, Malaysia

Page 1 of 2

PKPD di dua kawasan Lahad Datu

Kawasan terlibat ialah Taman Khazanah Indah dan PPR Mutiara Kasih

KUALA LUMPUR

Perintah Kawalan Pergerakan Diperketatkan (PKPD) bakal berkuat kuasa di Taman Khazanah Indah dan PPR Mutiara Kasih. Lahad Datu bermula 12.01 tengah malam 13 Oktober hingga 26 Oktober.

Menteri Kanan (Keselamatan) Dato Seri Ismail Sabri Yaakob berkata, PKPD ini melibatkan 5,452 penduduk di kawasan itu dan Kementerian Kesihatan (KKM) akan melakukan saringan bersasar terhadap penduduk

di kawasan terlibat.

“Dengan pelaksanaan PKPD ini, semua penduduk dikehendaki mematuhi prosedur operasi standard (SOP) yang ditetapkan. Antaranya, semua penduduk di kawasan terlibat tidak dibenarkan keluar dari rumah masing-masing.

“Oleh kerana mereka tidak dibenarkan keluar dari rumah masing-masing, bermakna tidak boleh membeli makanan dan sebagainya, bekalan keperluan makanan akan diagihkan kerajaan negeri Sabah yang dikordinasikan Pusat Kawalan Operasi Bencana Negeri,” katanya pada sidang media secara maya dari kediamannya menerusi Facebook Kementerian Pertahanan semalam.

Beliau berkata, semua lalu-lan keluar dan masuk kawasan



ISMAIL SABRI

PKPD itu ditutup, namun permohonan bagi kes kecemasan seperti kematian dan sebagainya boleh dikemukakan kepada Polis Diraja Malaysia (PDRM).

Beliau berkata, bagi memastikan pematuhan perintah

itu, PDRM, Angkatan Tentera Malaysia (ATM), Angkatan Pertahanan Awam Malaysia (APM), Jabatan Sukarelawan Malaysia (Rela), pihak berkuasa tempatan dan pegawai yang diberi kuasa, akan mengawal seluruh kawasan terlibat.

Sementara itu, Perintah Kawalan Pergerakan Bersyarat (PKPB) akan dilaksanakan di Kota Belud bermula jam 12.01 tengah malam 13 Oktober hingga 26 Oktober.

Ismail Sabri berkata, langkah itu bertujuan mengekang penularan jangkitan Covid-19 di daerah itu, serta membolehkan aktiviti saringan secara bersasar dilaksanakan sepanjang tempoh itu.

“Hanya perkhidmatan perlu termasuk kilang-kilang dan rantai berkaitan dalam perkhid-

matan perlu dibenarkan.

“Penduduk juga dibenarkan untuk keluar beli barang iaitu dua orang daripada satu keluarga atau satu rumah,” katanya.

Menurutnya, operasi pasar borong, pasar malam, pasar tani, kedai runcit, farmasi dan klinik dibenarkan, manakala bagi kedai makan pula terhad kepada pandu lalu, penghantaran dan bawa pulang.

Selain sektor berkaitan perkhidmatan perlu, pekerjaan lain seperti perikanan, pertanian, perlادangan turut dibenarkan.

Mengenai sambutan perayaan Deepavali, Ismail Sabri berkata, Mesyuarat Khas Menteri-Menteri Berkenaan Pelaksanaan PKPP akan memutuskan perkara itu dalam masa terdekat. - Bernama



12 OCT, 2020

PKPD di dua kawasan Lahad Datu

Sinar Harian, Malaysia

Page 2 of 2

SUMMARIES

Kawasan terlibat ialah Taman Khazanah Indah dan PPR Mutiara Kasih

KUALA LUMPUR

Perintah Kawalan Pergerakan Diperketatkan (PKPD) bakal berkuat kuasa di Taman Khazanah Indah dan PPR Mutiara Kasih, Lahad Datu bermula 12.01 tengah malam 13 Oktober hingga 26 Oktober. Menteri Kanan (Keselamatan) Datuk Seri Ismail Sabri Yaakob berkata, PKPD ini melibatkan 5,452 penduduk di kawasan itu dan Kementerian Kesihatan (KKM) akan melakukan saringan bersasar terhadap penduduk

di kawasan terlibat.